



CANTON SARAJEVO
Cantonal Civil Protection Administration
Operational Center

Broj: 04-40-1-322/21
Sarajevo, 19.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 18.11.2021. do 08:30 sati 19.11.2021. godine

Štab civilne zaštite Kantona Sarajevo (u daljnjem tekstu: Štab) je u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11, 45/15 i 33/21), Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i drugim važećim propisima, kao i Odlukom Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, u izvještajnom periodu preduzeo slijedeće mjere i aktivnosti na otklanjanju i saniranju posljedica od poplava na ugroženom području:

- Štab je u cilju sprječavanja urušavanja pješačkog mosta na rijeci Željeznici između ulica Mala aleja i Hrasnička cesta, angažovao Službu za zaštitu, spašavanje iz ruševina i raščišćavanje terena formiranu u okviru pravnog lica Bosman d.o.o. Sarajevo, čije su pripadnici u toku dana završili betoniranje novog stuba mosta. Predviđeno je da se beton suši i veže do ponedjeljka 22. novembra, a potom da se pristupi uklanjanju skela i pulceva ispod mosta.



- KJKP Rad je sa ljudstvo i mehanizacijom danas bio angažovano na prikupljanju i odvozu kabastog i drugog otpada nastalog kao posljedica poplava (angažovan je bio jedan grejfer, dva MB kamiona kipera, jedan rolkiper i jedan utovarivača), te pranju saobraćajnica na području Općine Novi Grad u naselju Rajlovac (angažovana je bila jedna cisterna).

Općina Ilidža

U toku jučerašnjeg dana, nastavljeni su radovi na saniranju korita rijeka, čišćenju i dezinfekciji individualnih stambenih objekata, na podjeli paketa hrane, vode i drugih potrepština stanovništvu na ugroženom području.. Također, su nastavljeni radovi na sanaciji oštećenog pješačkog mosta.

Komisije za procjenu šteta Općine Ilidža, na osnovu zaprimljenih zahtjeva, vrše obilazak terena i procjenjuje štete.

Općina Vogošća

U protekla 24 sata izvršen je obilazak ugroženog terena i konstatirano je stanje stabilno. Rijeka Bosna se povukla u svoje korito.

Povjerenici civilne zaštite u toku jučerašnjeg dana uz pomoć uposlenika KJKP Vodovod i kanalizacija izvršili su pročišćavanje odvodne cijevi u naselju Svrake III, a koja je bila u potpunosti začepljena uslijed proteklih poplava. Vršili su i kresanje granja i stabala koja bi mogla predstavljati opasnost.

U toku je nabavka dodatnih vreća za pijesak jer su rezerve koje smo posjedovali značajno smanjene uslijed proteklih poplava.

Komisija za procjenu šteta radila je na terenu prema prijavama građana općine Vogošća koji su pretrpjeli štete uslijed poplava, a potom je nastavila rad u zgradi Općine Vogošća na analizi i procjeni registriranih šteta.

U protekla 24 sata Operativni centar civilne zaštite Općine Vogošća je zaprimio veći broj poziva po raznim osnovama, a najviše po pitanju posljedica poplava na području općine Vogošća.

Od Općinskih službi civilne zaštite Novi Grad, Ilijaš i Trnovo smo obavješteni da su njihove organizovane strukture civile zaštite u toku jučerašnjeg dana bile angažovane na otklanjanju i saniranju posljedica od poplava na ugroženim područjima.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje intervencije i to: jedna na gašenju zapaljenog automobila, jedna tehnička na otvaranju vrata u stanu i jedno obezbjeđenje na Međunarodnom aerodromu Sarajevo..

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

KJKP Vodovod i kanalizacija: Vodosnadbijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 1°C, vlažnost zraka 93%, barometarski pritisak 951,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1